

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Strabonis Geographicorum [geographicorum] Lib. XVII

Strabo

Basileae, 1539

Argumentum decimisexti libri.

urn:nbn:de:bsz:31-67095

qui Asiam tenuere, præter eos, nec ij Græcos, nec Græci illos antea nouerant, nisi perparum admodum quantū fama percepissent. Nam nec Homerus Medorum, Syrorūque imperium nouit. Nam cum Ægyptias Thebas, & earum et Phœnicū diuitias nominet, nequaquam Babylonis & Ecbatanorum opes conticuisse. Ac primo quidem Græcis Persæ imperauerūt, Lydi uero nō toti Asiæ, sed parti per exiguæ solum cis Halym sunt dominati. Idē non diu, Cræsi & Alyattis tempore, sed si quam famam habebant, eam amiserunt à Persis superati. Persæ quàm primū Medorum res euerterunt, Lydos subegere, & Græci qui in Asia erant, illis paruerunt, postmodum in Græciam traicientes sepe multisq; certaminibus uicti sunt. Asiam tamen usque ad mare tenuerunt, donec à Macedonibus sunt debellati. Cyrus eos primum in imperio constituit, cuius successor Cambyses filius, à Magis sublatus est. Septem uero Persæ qui Magos interemerunt, Dario Hystaspis filio imperium tradidere. Cuius successores in Narsē desierunt, quem cum Bagous eunuchus interfecisset, Dariū regem fecit, quanquam ē stirpe regia nō erat. Sed cum Alexander hunc euertisset, ipse xi. annis regnauit. Postea Asiæ imperium in complures successores, & ab eis profectos diuisum, euersumq; est. Permanēt tamen annis cc. & l. nunc iam per sese sunt, ac reges qui olim Macedonibus paruere, nunc Parthorū regibus subiectos habent.

LIBRI DECIMI QVINTI FINIS.

ARGVMENTVM DECIMISEXTI LIBRI.

Sextusdecimus circa Assyriam uersatur, in qua Babylon est, & Nisibis, urbes maximæ. Item circa Adiabenam, & Mesopotamiam, & Syriam, & Phœniciam, & Palæstinam, Arabiam omnem, & quæcunque Indica Arabiam contingunt. Item Saracenorum regionem, quam Scenetim uocat, & omnem Rubro mari, & mortuo adiacentem.